


www.BibleForChildren.org




उत्पत्ति ६



हइ किस्सा नूह धरमी मनसे के परवार
कर हबै, अपन पूरा जीवनकाल हे
हरमेसा भगवान के संग चलथै।
अउ भगवान भुंइ हे जउन नजर
लगाइस ता का देखिस कि ऊ बिगडे हबै,
काखे सगलू परानी भुंइ हे अपन-अपन
आदत बिगाड लय रथै।



तब भगवान नूह लग कथै, "मै सोच लय हव, कि जेतका
भुंइ हे जीव परानी हबै, उन सगलू के नास कर करिहों,
काखे भुंइ हे बोहत पाप भर चुके हबै। तै गोपेर लकडी
के जिहाज बनाबे, तै ओखर भित्तर कोठरिया
बनइहे, अउ ओखर भित्तर बाहिर लार के
पोत देबे।"




हइ मेर तै जिहाज बनाबे, ओखर
नाप तीन सव हाथ लम्बाई
पचास हाथ चउडाई तीस हाथ
उंचाई रखबे।




"भुंड के सगलू मेर के खाना जिहाज
के भित्तर लइ अनबे, हइ खाना
तुम्हर निता अउ सगलू पसु
जानवर के निता होही।"




अउ सगलू जिन्दा परानी मसे दुइ-दुइ जोडी करके अपन संग जिहाज हे लइ आनबे जेखर लग ऊ तोर संग जिन्दा रइहिन।




तै सगलू सुध्द पसु मसे नर-मादा करके
सात जोडा अउ जउन असुध्द
पसु नर-मादा मसे
अक-अकठी जोडा
लानबे।






नूह जल परलय लग बचे के
निता अपन डउकी टोरवन अउ
पुतउन के संग जिहाज हे गइन।





जब नूह छय सव साल के हुइस,
ता उहै साल के दूसर महिना के सतरा रोज
आइस, उहै रोज समुन्दर के झिरना फुट जथै,
बादर उघर गइस,





... अउ चालीस रोज अउ चालीस
रात भुंइ हे पानी गिरत रथै।




पानी भुंइ हे बोहत बढ जथै,
कि जिहाज पानी हे पइरे लगथै।




पानी जादा बढै के कारन इहां तक कि भुंइ के ऊंच-ऊंच डोंगर बुढ जथै।
जउन-जउन भुंइ हे सांस लेय बाले रथै, सगलू मर गइन।



भगवान नूह अउ सगलू वन पसु अउ रखै बाले पसु
नूह के संग जिहाज हे रथै, भगवान सब के सुरक्छा
करथै, अउ भगवान भुंइ हे हवा चलाथै, अउ पानी
घटे लगथै, अउ भुंइ के पानी अउ समुन्दर लग
जउन उप्पर उठके बादर लग आथै, सगलू बरसै
का पानी बन्द हुइ जथै।






नूह चालीस रोज के बाद जिहाज
के खिडकी खोलथै, जेही ऊ खुद
बनाय रथै, अउ नूह अकठी कउवा
के उडवाथै, जब तक भुंइ सुखाय
नेहको गइस तब तक कउवा इछो-उछो
उडत रथै। एखर बाद नूह हइ देखै के निता
अकठी परेबा के उडाथै, कि भुंइ लग
पानी घटिस कि नेहको
घटिस।



दूसर महिना के सत्ताइस रोज हे भुंइ पूरी तरह सुखाय जथै।
तब भगवान नूह लग कथै, "तै अपन डउकी, टोरवन
अउ पुतउवन के संग जिहाज लग बाहिर निकर।"



नूह परभु के निता अकठी बेदी बनाथै,
नूह सुधद पसु अउ सुधद
पक्छी मसे कुछ के चुनथै
अउ बेदी हे उनखर
बलि चढाथै।



भगवान फेरै कथै,
मै तुम्हर संग अउ
जेतका जिन्दा परानी
तोर संग हबै, उन सगलू के
संग जुग-जुग के निता टीमा
बांधथो, भगवान के हइ चिन्हा हबै,
मै बादर हे अपन दबोरा रखथो,

ऊ मोर अउ भुंइ के बीच
करे गय टीमा के
चिन्हा होही।




जब मै भुंइ के
उप्पर बादर लइहों अउ
उनखर बीच दबोरा
दिखही, तब मोर जउन
टीमा तुम्हर संग अउ सगलू
जिन्दा परानी के संग बांधे हव,
ओही मै सुरता करिहों, तब असना


पानी फेरै नेहको बरसही
जेखर लग सगलू
परानी नास होय।



भगवान नूह के अउ ओखर
लरकन के आसिरवाद देथै अउ
उनखर लग कथै, फला-फूला
अउ भुंइ हे बगर जा।



जिहाज लग बाहिर निकरै
बाले नूह के टोरवा, सेम, हाम अउ
येपेत हबै, हाम कनान के बाफ रथै।
हइ तीनोठे नूह के टोरवा रथै, अउ दुनिया
के सगलू मनसे हइ तीनो
लग पइदा हुइन।



भगवान हइ दुनिया लग अइसन माया करिस,
कि ऊ अपन अकठी टोरवा के दइ दइस, ताकि
जउन कउ ओखर उप्पर बिस्वास करही, ऊ
नेहको मरही, बलुक सबरोज के जीवन पाही।



रोमियो 3:23 काखे सगलू झन पाप करे हबै अउ सगलू झन भगवान कर महिमा लग दुरिहां हुइ गय हबै।

रोमियो 6:23 काखे पाप के मजदूरी ता मरै के हबै, पय भगवान के बरदान हमर परभु यीसु मसीह हे सबरोज के जीवन हबै।

इब्रानिन 9:27 जउन मेर मनसेन के निता अक्कै बेर मरना अउ एखर बाद ओखर नियाव होय के निता तय हबै।

इफिसियों 2:8,9 काखे बिस्वास के द्वारा अनुग्रह लग तुम्हर मुकति होय हबै अउ हइ तुम्हर पल्ला लग नेहको, पय भगवान के बरदान हबै, हइ तुम्हर कउनो काम के कारन नेहको मिलथै, असना झइ होय कि कउ घमंड करै।

रोमियो 10:9,10 काखे अगर तुम मुंह लग सुइकार करथा कि यीसु परभु हबै, अउ मन लग बिस्वास करथा कि भगवान उके मरे हर मसे जिन्दा करिस, ता तुमही मुकति मिलही। काखे नियाइपन के निता मन लग बिस्वास करै लग धरमी मनसे ठहरथै, अउ मुंह लग सुइकार करै लग उके मुकति मिलही।



यूहन्ना 3:16,17 "भगवान हइ दुनिया लग अइसन माया करिस, कि ऊ अपन अक्ठी टोरवा के दइ दइस, ताकि जउन कउ ओखर उप्पर बिस्वास करही, ऊ नेहको मरही, बलुक सबरोज के जीवन पाही। भगवान अपन टोरवा के दुनिया हे इहैनिता नेहको पठोइस कि दुनिया हे सजा के आदेस दे, पय इहैनिता दुनिया ओखर द्वारा मुकति पाबै।"

1 यूहन्ना 5:11-13 अउ ऊ गवाही हइ हबै, भगवान हमके सबरोज के जीवन दय हबै, अउ हइ जीवन ओखर टोरवा हे हबै। जेही टोरवा मिल गय हबै, ओही जीवन मिल गय हबै, अउ जेही भगवान कर टोरवा नेहको मिले हबै, ओखर हे जीवन नेहको हबै। तुम सगला भगवान कर टोरवा के नाम हे बिस्वास करथा, मै तुमके हइ चिट्ठी लिखथो जेखर लग तुम हइ जान लेया कि तुमही अनन्त काल के जीवन मिले हबै।



उत्पत्ति 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Bhumiya Bible (bhu) © The Word for the World International
and © 2025 Bhumiya Bhasha Samiti, Madhya Pradesh

<https://www.bible.com/en-GB/bible/3712/MAT.1.BTP25>

©2026 Bible for Children, Inc.

www.M1914.org

www.bibleforchildren.org

